



Ataniuiyunut Nainaqhimagyuq

Kinguliqpaamik Titiqatigut Tunityut
Ihuaqhigiagut Tukhigaut #2

Imaqmun Laisauyuq #2AM-MEA0815
Apuqtitnaqtuq Guulit Uyagakhiuqvik
Agnico Eagle Nanminilgit
Kivalliqmi

Tisaipa 20, 2013

Nunaqaqaqtuligiyyikku Ukiuqtaqtumilu Pivaliayuligiyyit Kanatami (tamna Timiuyuq) tuhaumaqatauyumayut ilauiyut tapkunani Nunavut Imaligiyyit Katimayitkut naunaiyaqniiani tapkuat Agnico Eagle Uyagakhiuqtit Nanminilgit (Agnico Eagle-kut) tukhigautat ihuaqhigiagqianut tamna Apuqtitnaqtuq Guulit Uyagakhiuqviup Qanugittunia 'A' Imaqmun Laisia ilagiagqianut imatqiktuq atuqtaunia. Malikhugit tapkuat kavamatuqatkut piquyat, tamna Timiuyuq havalik piqatigiplugit aulattiqatiginin Nunavutmi imatqiktuq piqaqnit piqatigiplugit tapkuat Nunavut Imaligiyyit Katimayit.

Naunaiyatqikhaqaqhugit, tamna Timiuyuq ikayuqtat tamna ihuaqhigiagqniqmun tukhigaut. Agnico Eagle-kut naamaktumik takukhaupkaqtat tamna Pingahuat Portage Tahup imaquqtunia (tamna aktuayauyuq imaqaqniq) piyukhaungittuq angipyaktumik aktuania imatqiktumik atuqtaunia tamnalu uyagaktaqnikunut tutquqhimavia naamalaqniaq havikhaliuqviki pityuhia halumaqhimaniaalu inungnit iqakut imait imaqaqnia. Agnico Eagle-kut atuqpiagqiat atuqattaqninut munagini Pingahuat Portage Tahup imaugaqnia atuqpiagahuaqhugu tamna nunalikni imaqmiutat uumatyutai pilaittut angipyaktumik aktuanit taphumanga havanguyumun huliniit. Naunaiqhimagyuq tamna aktilanga imatqiktuq atuqtaunia ikayuqniat havanguyup huliniit avatqihimainaqtat laisauyup kiklikhai, mikhigiaqhimanahuaqpakkaluaqhugit, taimanga uyagakhiuqniq aulaniat pigiaqnia 2010-mi. Pikpat tamna ihuaqhigiagqniq tukhigaut angiqtauqpat Agnico Eagle-kut malikhaliqniat taphumunga laisauyup maligait atugialgitlu.

Piplugit tapkuat Aktuupa 16-17, 2013 Nunavut Imaligiyyit Katimayit Piluaqnaqtuliquit Katimaniq tamnalu Hivuanu Naalakvik Katimapkainiq (atuqtauyuq talvani Qamanittuaq, NU) tamnalu Agnico Eagle Nuvipa 8, 2013 imaqmun laisauyuq munaginanut havagutit ilihagutauniat (atuqtauyuq hivayautikkut katimaniqmi), tapkuat atugahuaquyauyut hatqiqtut tapkunani Timiuyup Saptai 26, 2013 Piluaqnaqtuliquit Naunaiyaqni Titiqat pihimayut naamaktumik hugiaqnit. Tapkuat atugahuaqunit atungittut tapkununga ihumagininut tamna tukhigaut ilauiuniaqhunilu tapkunani atuqtukhani laisauyumut nutanguqnia tukhigaut. Tapkuat ihumaginit tapkuat pivikhat munaginittuhagakhat tapkuatlu piyaqaqnit laisauyumun maligait atugialgitlu piyaqaqninut nutanguqtut aulatyutinut upalungaiyautit.

Agnico Eagle-kut piqaqtitiyukhat tapkuat maliktakhainik atuqtakhauiyut ilagiagqininut tapkuat akulaitnit munagiyauniat Pingahuat Portage Tahup imaugaqtiginia mikhivaliania. Tahapkuat huliniit ikayuqtukhat naunaiqninut naliat imatqiktuq atuqtaunia aktuayakhat Pingahuat Portage Tahiq imaqmiutait uumatyutit. Una pityut hatqiqtitauyuq tapkunanga Nunavut Imaligiyyit Katimayit atuqtitlugu tamna Piluaqnaqtuliquitinut Katimaniq piyukhat huliniit. Naunaiqtautuaqata, tapkuat maligait piyukhat tugaqtitaunit atuqtainut munaqhityutit aulatyutinutlu upalungaiyautit.